

## Pripreme za slučaj atomskog belaja

11/2016

Prema znakovima koji su prilično vidljivi, čini se da nam se uskoro sprema nova kulminacija psiho-patoloških simptoma i aktivnosti na ovoj planeti, u obliku Trećeg svjetskog rata. Naravno, prošla dva svjetska rata nisu bila dovoljna da mi, kao čovječanstvo, naučimo lekciju a isto tako ni onih 240 lokalnih ratova, koji su se vodili i vode na ovoj planeti (uz preko 30 miliona žrtava), nakon što su u onom prošlom svjetskom ratu, "sile dobra" pobijedile "sile zla"?! S [psihopatama na pozicijama vlasti](#) i programiranom ljudskom populacijom, drugačije se nije moglo ni očekivati. Dakle, kad belaj počne, tu se moramo snalaziti kako znamo i umijemo, na osnovu poznavanja simptoma psihopatije i posljedica psiho-patoloških aktivnosti kao i zaštite od istih. Naravno, kod priprema za belaj, na umu moramo imati i osobine radioaktivnog zračenja.

\*\*\*

Tako, prije nego što Treći svjetski rat počne, trebamo početi s razmiještanjem na sigurnija mjesta kao što su Artik i Antartik jer će on najvjerojatnije biti nuklearnog karaktera a ova područja vjerovatno neće biti zahvaćena direktnim udarima. (Ovdje trebamo imati na umu onu [Mujinu](#) izreku: – "Nije se usro onaj kojem je zahod bio daleko, nego onaj koji nije na vrijeme kreno".) Ukoliko stignete do sjevernog ili južnog pola, onda možete usput provjeriti i ispravnost one teorije o šupljaj zemlji. Dakle, ako pronađete onaj otvor za prolaz na unutrašnju stranu ove planete, nemojte oklijevati, nego slobodno pređite tamo. Na unutrašnjoj strani planete, ljudska glupost sigurno nije zastupljena u ovolikoj mjeri kao s ove strane a tamo neće biti ni radioaktivnosti.

Ukoliko vas početak rata zadesi u gradu a niste odmah direktno pogođeni nekim od hiljada ubitačnih oružja i projektila, namijenjenih za masovnu likvidaciju ljudskih bića od strane...?!..., onda bi se trebali što prije izmjestiti u prirodu ili neko zabito selo (imajući opet na umu onu [Mujinu](#) izreku). Naravno, sa sobom trebate ponjeti samo stvari koje su od esencijalne važnosti jer pod velikim teretom, čovjek se ne može brzo kretati a brzina ovdje može biti veoma bitna.

Dakle:

1. - bar stotinjak litara rakije

(+ jedna za puta) jer mogu proći i stotine godina nakon atomske kataklizme dok šljive opet rode; stotinjak šteka cigara... a u onaj ostatak prostora u rancu spakujte i nešto hrane i vode, tek toliko da vam bude dovoljno za onoliko godina koliko ste planirali još da poživite u uslovima radioaktivne životne sredine. (Novac i kojekakve "dragocjenosti" ne trebate nositi sa sobom jer vam neće trebati. Čista, odnosno, nekontaminirana voda i hrana će biti najvrednija valuta.)

2. Odjeća! Ni slučajno se nemojte zapućivati negdje bez specijalnog odijela koje će vas zaštititi od radioaktivnih zračenja i veoma niskih temperatura koje će biti posljedica tzv. "nuklearne zime".

3. Kramp i lopata. Za slučaj potrebe brzog ukopavanja. Ukoliko budete imali dovoljno vremena, slobodno se ukopajte na dubinu od nekoliko stotina metara (dakle, što dublje, to bezbjednije).

4. Konopac. On će vam poslužiti da se privežete za nešto čvrsto kako vas ne bi oduvali vjetrovi čija će brzina premašivati 200km/sat u uslovima promijenjenih klimatskih prilika.

5. Kompas. Biće vam od pomoći kod određivanja pravca vašeg kretanja prema... negdje... ali uzmite u obzir i mogućnost da sjever nije više tamo gdje je nekad bio.

6. Čakija, sjekira, baterija, upaljač, sapun i ostali pribor za higijenu fizičkog tijela...

7. Kišobran, za zaštitu od padavina, uključujući i nuklearne.

8. Dvije metalne žice ili rašlje (koje možete pokupiti u hodu s nekog drveta) za radiesteziju uz pomoć koje ćete pronaći čvorove gdje se ukrštaju glavni energetski tokovi planete. Navodno, na tim mjestima će radioaktivno zračenje biti najmanje. Jedini je problem to što su skoro sva takva mjesta na ovoj planeti nekim "slučajem" već odavno zauzeta od strane lokalnih patokracija tj. njihove vojske ("vojne baze") a pristup normalnim ljudima je strogo zabranjen.

9. Pribor za pecanje. He, he, priznajte da vam ovo nikad ne bi palo na pamet!?! Doduše, zlobnici tvrde da u uslovima jedne atomske kataklizme globalnih razmjera, ni ribe ne preživljavaju, međutim, to ne znači da ne možemo pecati. Ako, ništa, dobro dođe da se čovjek psihički odmori. (U svemu ovome, najvažnije je ostati smiren i pribran.) Osim, toga, ko zna šta se može zakačiti na udicu!?! Na primjer, jedan

strastveni ribar iz Bosne mi je davno u povjerenju ispričao sljedeću priču: zabaci on tako jednom udicu u rijeku, onako, ni daleko ni blizu... kad nije prošlo dugo... zakači se nešto poveliko! On onako iskusan, nije se dao zbuniti, pa odmah poče da vuče. I tako, vuče on... vuče... vuče... i nakon par sati natezanja... izvuče on to nešto napolje. Kad ono... šporet! Onaj stari, na drva i još zarđao. Kad je on to vidjeo, spopao ga je toliki bijes da je nogom udario u njega. Međutim, u tom momentu otvori se rerna..., on čisto onako iz radoznalosti zaviri unutra... kad ono tamo... vruća pita zeljanica!!! Pojede on tako punu tepsiju pite i ode kući sit i zadovoljan, iako tog dana ništa drugo nije uhvatio. Da nisam ovo čuo svojim rođenim ušima, ne bih vjerovao! Dakle, sve je moguće. Nikad se ne zna šta se može zakačiti, pa odatle, ne treba gubiti nadu.

10. Šlauf (po mogućnosti od traktorske gume); za zlu ne trebalo; može poslužiti kao pojas za spasavanje ili čamac. (Naravno, nemojte zaboraviti pumpu!)

11. Jod ili kalijev jodid, može i Lugol (pomaže kod radiološke kontaminacije organizma); antibiotici i naravno, aspirin, ukoliko vas, ponekad, od muke zaboli glava.

12. Gajgerov brojač (za mjerenje radioaktivnosti) možete nositi sa sobom umjesto mobilnog telefona ili sata. On će vam najbolje pokazivati "koliko je sati". (Vrijeme vam ionako više neće biti toliko bitno u životu a istovremeno će vam postati jasno i to da je moguće živjeti bez mobilnog telefona i interneta).

13. Prezervativi. Poznato je da u vremenima kataklizmi, kod ljudi dolazi do pojačanog seksualnog nagona što je vjerovatno bazirano na instiktu produženja vrste i čežnje tijela/ličnosti za bar nekim zadovoljstvom u uslovima sveopšteg belaja. Međutim, trudnoća u takvim uslovima nije preporučljiva, nego tek nakon što se stvari smire (kad uzmemo u obzir vrijeme poluraspada radioaktivnih elemenata, tu će se raditi o desetinama hiljada godina.) Dobar seks inače podrazumijeva najbolju stvar koju čovjek ovakav kakav trenutno jeste može doživjeti u ovoj realnosti, tako da je to sasvim razumljivo. Uostalom, ovdje se ionako skoro sve i vrti oko seksa.

14. "Sveta knjiga", za koju ste privrženi, džepno izdanje s mekanim papirnim stranicama; tako, da je možete čitati iz moralnih razloga a ona vam ujedno može poslužiti i kao jedan pokazatelj vašeg istinskog buđenja jer ovakve situacije mogu pomoći čovjeku da uvidi da sve one "vrijednosti" i "svetinje" iz ove realnosti, ne piju vode u objektivnoj realnosti; dakle, kad počnete koristiti njene listove kao toalet papir, to će biti znak da ste, napokon, počeli dolaziti sebi i tada će se vaše šanse za opstanak kao jednog individualnog i nezavisnog ljudskog bića, drastično popraviti.

\*\*\*

I naravno, u svemu ovome ima i lijepih vijesti a jedna od najljepših je ta, što će u tim vremenima [svjetska patokratija](#), napokon, neprimjetno nestati s lica ove planete, bježeći u neka od par hiljada podzemnih skloništa koje su u međuvremenu sagradili uz pomoć našeg novca, kojeg su nam uzeli u obliku poreza i raznoraznih dadžbina. Tako ih više nećemo morati gledati a pogotovo slušati njihova proseravanja. Uh, ljepoteeee...!!! Nakon što oni odu tamo dole, ukoliko naiđete na neki od ulaza u ta skloništa, možete ga slobodno zatrpati i tako im osigurati da ostanu dole bezbjedni do kraja života. Tako, neće više biti u stanju izaći napolje i dodatno kontaminirati nas i ovu planetu svojim psiho-patološkim uticajima.

Napomena: ukoliko se odlučimo na bijeg, moramo imati na umu i to da se od ljudske gluposti ne može pobjeći. (Ako ništa, nosićemo stalno sa sobom ovu našu.)

I na kraju, još jedna važna napomena! Ako se u međuvremenu pojave vanzemaljci kao "glas razuma" (trebali bi već biti načisto s tim da ovdje nekog razuma teško može da bude) i ponude vam pomoć u smislu prebacivanja na neko "sigurnije" mjesto, tu ćete prvo morati odrediti da li postoji mogućnost da završite u njihovom loncu u vidu nekog jela. Ako vas pitaju da li pušite, to će već biti jedna indikacija da nemaju najbolje namjere. U tom slučaju, odgovorite potvrdno jer ne spašavaju pušače. Ili, još bolje, kad ih vidite, stavite cigaru u usta tako da im odmah bude jasno s kim imaju posla. (Nema potrebe da se osjećate nelagodno ko krme u Teheranu.) Nešto im valjda ukus pušača ne štima ili dobiju probavne poremećaje nakon konzumiranja istih?! Uostalom, ni ova anti-duvanska kampanja možda nije slučajno tempirana upravo sada, na kraju turnusa!? Svako voli zdravu hranu bez kojekakvih štetnih primjesa.

\*\*\*

Dakle, kako smo vidjeli, nije sve tako crno! Naše ličnosti i fizička tijela imaju šanse za preživljavanje u uslovima jedne globalne kataklizme, kao što je atomski rat. Bilo je na ovoj planeti svakojakih kataklizmi, pa su ih ljudi preživljavali jer da nisu, ne bi bilo ni nas. Znači, kad su mogli oni, možemo i mi. Čista logika!

I još jedna važna napomena: u slučaju "odjave" odavdje, nemojte se nervirati, nego pripazite da vas tamo, na drugoj strani, ne zajebe neko od onih koji imaju običaj da nam se predstavljaju kao bogovi, anđeli, duhovni vodiči, uskrsnuti majstori itd...!?! Nedajte se zbunit! Dosta su nas zajebavali dok smo bili ovdje, pa ako su već ovdje, ne moraju i tamo. U svakom slučaju, s kakvom god mudrolijom, svjetlosnim i milozvučnim efektima da vas tamo dočekaju, pa čak i s "ljubavlju", možete ih

slobodno nabiti nogom u dupe i poslati u pičku materinu; ako ništa, onda, iz preventivnih razloga. Čini se da se ovdje malo šta dešava bez njihovog upliva?! A postoje i neke indikacije da se tu radi samo o raznoraznim likovima koje štanca AI ili jedna personifikovana vještačka inteligencija koju mi, uglavnom, nazivamo “bog” i koja upravlja šou-programom na ovoj planeti (ona zadovoljava sve kriterijume jednog našeg klasičnog psihopate), uključujući i naše ličnosti s kojima smo se mi, sve do sada, stalno identifikovali i koje su bile sve ono što smo znali o sebi. Tako, od pomoći može biti i to da toj vještačkoj, duhovnoj bagri, onako, kulturno, poručite sljedeće: “Odjebite od mene, mater vam jebem fašističku!” (To vam neće biti nimalo lako jer ste od rođenja programirani da poštujete kojekakve “autoritete” više od samih sebe i još uvijek vam nije sasvim jasna činjenica da u objektivnoj realnosti, - autoriteti ne postoje).

\*\*\*

Što se tiče ostalih dobrih vijesti, neki tvrde da postoji i mogućnost da će ova planeta a i mi zajedno s njom, uskoro naprasno uskrsnuti u neku višu oblast postojanja gdje teku med i mlijeko i gdje se nećemo morati patiti kao ovdje, dok opet, ima i onih zlobnika koji tvrde da ovakvi kakvi trenutno jesmo, nismo nigdje prispjeli a kamoli na neko bolje mjesto. (“Sidi disi jer ni za disi nisi”). Navodno, prema duhovnim zakonima, - ako hoćeš bolje, onda to trebaš napraviti sam i tamo gdje jesi jer u ovom univerzumu, nema ništa džabe (pa, čak ni kod stare babe)!? A šta smo to mi konkretno učinili u vezi s tim?

U svakom slučaju ako se tako nešto ne desi, postoji još jedna dobra vijest a ona podrazumijeva to, da postoje i neke teorije koje kažu da je sasvim moguće osloboditi se od kontrole AI, pa tako i preći iz ove vještačke realnosti u istinsku, ukoliko se čovjek uspije osloboditi od svoje (vještačke) ličnosti, odnosno, staviti je pod svoju kontrolu jer je ona ta koja ga veže za nju, zato što je direktno priključena na AI, pa joj ova reguliše percepciju, razmišljanje i ponašanje. Znači, stvar bi bila sasvim jednostavna, potrebno je samo steći dovoljno svjesnosti kako bi spoznali to da ono što smo mislili da smo mi, u stvari, nismo mi, nego jedan vještački entitet, programiran da živi u naše ime u ovoj programiranoj, **virtuelnoj realnosti** a koliko znamo, jedna realnost ne može istovremeno biti virtuelna i objektivna. Kad nadodemo na ovu metafizičku spoznaju, spoznaćemo i to da ga nismo popušili objektivno, nego samo... virtuelno, tako da će nam odmah biti lakše.

\*\*\*

Naravno, i u sljedećem ratu, imaćemo opet dvije strane, “pozitivce” i “negativce”, “sile dobra” i “sile zla”, što se neće moći na prvi pogled vidjeti jer će i tamo i vamo biti

Ljudska bića, tako da će to - ko je ko, zavisiti od definicije vaše vlade (koja je uglavnom sačinjena od tzv. antropoida; što je ruski ezoteričar Gurđijev još davno, figurativno opisao ovako: “Kad bi vam bilo poznato koliko “živih mrtvaca” upravlja vašim životima, razbježali bi se s užasom na sve strane”). Znači, vaša vlada će vam reći ko je neprijatelj a strana na kojoj se vi zadesite, biće obavezno “pozitivna” (a to je dobro jer u većini slučajeva, nećete moći ni da birate stranu). U svakom slučaju, na kojoj god strani da se zadesite, popušićete ravnopravno s onima koji se nađu na drugoj strani, što je na neki način i pošteno. Glupsoni vamo, glupsoni tamo. To je kod nas ovdje, inače, tradicionalna stvar jer su međuljudski sukobi kao i sama realnost, dizajnirani tako da ga “normalna” ljudska bića stalno puše, ‘vako il’ ‘nako a razlozi za to se uvijek uredno racionalizuju, ‘vako il’ ‘nako. Jebiga, šta ćeš, kad smo kao “normalni”, tako programirani?! I naravno, ukoliko se odazvete na poziv za regrutaciju od strane vaše lokalne patokratije, onda ste samo gubili vrijeme čitajući ovaj tekst.

U prijašnjim ratovima, “pozitivci” su uvijek pobjeđivali jer su oni pisali istoriju, međutim, ovaj put bi bilo sasvim racionalno za pretpostaviti da pobjednika neće biti a i šta će nam, kad su isti kao i gubitnici. Tako je i pitanje, da li će ostati neko ko će biti u stanju da piše istoriju, koja nam ionako neće trebati?! A ako i bude, to po samoj suštini neće biti ni bitno jer jedne istinski pozitivne strane ionako ne može ni biti u realnosti u kojoj vlada hronični nedostatak istinske svjesnosti. Istinska svjesnost je jedna od karakteristika istinskih ljudskih bića, koja postoje ali ona nama nisu poznata. (To što se mi smatramo istinskim ljudskim bićima samim tim što se nalazimo u ljudskim tijelima, bila bi samo jedna od mnoštva naših deluzija. Uostalom, istorija istinskih ljudskih bića ne može ličiti na istoriju jedne klaonice kao što je ova naša istorija.)

Šta mislite, koja strana može pokazati više trezvenosti, ljudskosti i plemenitosti, prilikom upražnjavanja psiho-patoloških aktivnosti kao što je ratovanje? Kad bi mi raspolagali istinskom sviješću, ratovi ili bilo kakvi međusobni sukobi u kojima bi neki od nas stradali, bili bi nezamislivi. Istinskom ljudskom biću, istinska svijest ne dozvoljava da povrijedi nekoga drugog a kamoli da ga muči ili ubija! Uostalom, oni osjećaji koji su nam poznati kao humanost i savijest, dolaze nam upravo od strane našeg Istinskog bića, tako da ukoliko imate takva osjećanja, onda imate u sebi i Istinsko biće. Naravno, u jednoj kontrolisanoj realnosti kao što je ova, ovako nešto je teško razumljivo jer su umovi onih koji bi trebali ovo razumjeti, takođe kontrolisani, odnosno, programirani. Tako, kako god okrenemo, dupe nam dođe otpozada.

Znači, u ovoj vještačkoj i programiranoj realnosti, naseljenoj vještačkim i programiranim entitetima koji podrazumijevaju naše ličnosti u ljudskim fizičkim tijelima, postoji i nešto... istinito a to je jedno - istinsko ljudsko biće koje se nalazi

skriveno i zarobljeno u... mnogima od nas?! Ukoliko nekome pođe za rukom da ga pronađe u sebi, onda bi bilo preporučljivo da sluša njega i da zaboravi na ona uputstva navedena na početku ovog teksta jer se ona odnose na naše ličnosti koje, po samoj svojoj prirodi, ne samo što su razvedene od objektivne realnosti, nego nam i ne dozvoljavaju da otkrijemo u sebi ono naše Istinsko ljudsko biće i počnemo živjeti u skladu s Istinskom svijesti kojom ono raspolaže.

Čak bi se možda moglo reći da, kad bi dovoljan broj ljudi na ovoj planeti ostvario tako nešto, onda bi došlo do jedne "lančane reakcije", Istinska svijest bi preovladala i neutralisala ovu lažnu, te bi se tako i ova realnost pretvorila iz lažne u istinsku, gdje bi individue kojima nedostaje Istinsko ljudsko biće (antropoidi; živi mrtvaci) i koje trenutno vladaju ovom planetom (uključujući i njihove mentore – "bogove", "vanzemaljce", "anđele", "duhovne vodiče", "uskrsnute majstore", "demone"... i ostale produkte one AI), bile neutralisane zajedno s njihovim psiho-patološkim aktivnostima?! Tako, ono što je po svojoj suštini ne-ljudsko, ne bi više manipuliralo, kontroliralo i porobljavalo ono što je ljudsko; ono ne-ljudsko, ne bi više vladalo ljudskim.

Možda nam se tako nešto, trenutno, može činiti nemogućim, međutim, ovdje se možemo prisjetiti one Mujine izreke: "Sve je moguće, osim drvenog šporeta".

I na kraju, želim vam u ovim vremenima što više istinske svjesnosti.

...

\*\*\*\*\*

[Kontejneri i oslobađanje ljudskog bića](#)

[Iz praktične gnostike](#)

[Zatvor i sudnji dan](#)

[Zatvorski čuvari](#)

[Talas III](#)

[Intervju: James Mahu](#)

[Slika](#)

[Važno obavještenje](#)

[Hiperdimanzionalni napadi](#)

[Prvi izvor](#)